

**«Հայաստանի առաջնորդներ»  
հանրային երիտասարդական մրցույթի  
անցկացման կարգ**

**1. Ընդհանուր դրույթներ**

- 1.1. Սույն կարգը (այսուհետ՝ Կարգ) սահմանում է «Հայաստանի առաջնորդներ» հանրային երիտասարդական մրցույթի (այսուհետ՝ Մրցույթ) անցկացման կարգը, այդ թվում՝ Մրցույթին մասնակցության և առաջնորդության աշխատանքների իրականացման պայմանները, մասնակիցների թեկնածությունների գնահատման չափորոշիչները:
- 1.2. Մրցույթի կազմակերպիչն է Երևանի «Ռուսական գրքի տունը»: Մրցույթը իրականացվում է Հայ-ռուսական գործարար խորհրդի հետ համագործակցությամբ:
- 1.3. Մրցույթի, վերջինիս նպատակների, խնդիրների և անցկացման պայմանների մասին թիրախային լսարանին տեղեկացնելը և ծանուցելը վերապահված է մրցույթի կազմակերպչին և համագործակիցներին:

**2. Մրցույթի անցկացման նպատակները և խնդիրները**

- 2.1. Մրցույթը նպատակ ունի բացահայտել Հայաստանի ապագա առաջնորդներին և նպաստել նրանց առաջնորդական կարողությունների բացահայտմանը և մասնագիտական առաջընթացի ապահովմանը՝ ի շահ Հայաստանի սոցիալ-տնտեսական զարգացման և տարածաշրջանային ու միջազգային ինտեգրացիայի:
- 2.2. Մրցույթը խնդիր ունի.
- Պայմաններ ստեղծել սոցիալ-տնտեսական, նոր տեխնոլոգիաների և պետական կառավարման ոլորտներում Մրցույթի մասնակից երիտասարդների գիտելիքների կիրառման, առաջնորդական կարողությունների դրսևորման և Հայաստանում առաջընթացի հետագա զարգացման համար:
  - Մրցույթի հաղթող մասնակիցներին ներգրավել բիզնեսի և արդյունաբերության, ինֆորմացիոն տեխնոլոգիաների առաջատար ընկերություններում ու պետական կառավարման համակարգում խորհրդատուների հետ աշխատելու, գիտելիքները և առաջնորդական կարողությունները զարգացնելու ու կիրառելու համար:
  - Աջակցել Մրցույթի հաղթող երիտասարդներին հաստատել նոր գործարար կապեր:

Յուրաքանչյուր տարի իրականացվող Մրցույթի շրջանակներում տնտեսության և պետական կառավարման ոլորտներում ձեռք բերած մասնագիտական ու առաջնորդման փորձի շնորհիվ նպատակ ունի բացահայտել և աջակցել Հայաստանի ապագա առաջնորդներին:

### **3. Մասնակցության պայմանները և մրցութային անվանակարգերը**

3.1. Մրցույթին մասնակցելու են հրավիրվում 18-ից 35 տարեկան ՀՀ քաղաքացիները և օտարերկրացիները: Առանձին անվանակարգերում կարող են տարիքի և քաղաքացիության վերաբերյալ լրացուցիչ պայմաններ առաջադրվել:

3.2. Մրցույթն անցկացվում է սոցիալ-տնտեսական, նոր տեխնոլոգիաների և պետական կառավարման ու այլ ոլորտներին առնչվող անվանակարգերում, որոնք յուրաքանչյուր տարի հաստատվում են Կազմակերպչի կողմից՝ Մրցույթի Հոգաբարձուների խորհրդի հավանությամբ:

3.3. Մրցույթին մասնակցելու պայմաններն են.

- Առնվազն միջնակարգ կրթության առկայություն,
- առանձին անվանակարգերի համար կարող են սահմանվել լրացուցիչ պայմաններ՝ անվանակարգի ոլորտին առնչվող մասնագիտական կրթություն, օտար լեզուների իմացություն
- մրցույթին մասնակցությունը անվճար է:
- մրցույթի աշխատաքնքային լեզուն գրական հայերենն է:

3.4. Մրցույթին մասնակցելու գրանցման պահանջները.

- մրցույթին մասնակցելու համար թեկնածուն պետք է գրանցվի Երևանի «Ռուսական գրքի տան» ինտերնետային կայք էջի՝ <https://homerusbook.am> «Գրանցման անհատական հայտ» բաժնում, լրացնի գրանցման հայտը և հաստատի իր համաձայնությունը մրցույթի կանոններին, ինչպես նաև անձնական տվյալների մշակմանը,
- գրանցման հայտում թեկնածուն ներկայացնում է մրցույթի մասնակցության պայմանների վերաբերյալ պահանջված տեղեկատվությունը, ինչպես նաև ընտրված անվանակարգի ոլորտում մասնագիտական զարագացման իր պատկերացումներն ու նպատակները,
- թերի լրացված հայտերը չեն դիտարկվում:

#### 4. Մրցույթի կարգը և անցկացման ժամկետները

##### 4.1. Մրցույթն անցկացվում է երկու փուլով՝

- **1-ին փուլ՝** թեկնածուների հայտերի ընդունում, թեսթավորում և համագործակից կազմակերպություններից խորհրդատուների հետ պլանավորած աշխատանքներին համարժեք մասնակիցների ընտրություն,
- **2-րդ փուլ՝** առաջնորդական կարողությունների զարգացում և մրցույթի հաղթողների ընտրություն:

##### 4.2. Մրցույթի առաջին փուլում գրավոր թեսթավորման են հրավիրվում գրանցման հայտերի գնահատման արդյունքում ընտրված թեկնածուները:

##### 4.3. Հայտերի գնահատումը իրականացվում է կազմակերպչի կողմից ստեղծված հանձնաժողովում: Հանձնաժողովը կարող է պահանջել գրանցման հայտում թեկնածուների կողմից ներկայացված տեղեկատվությունը հավաստող փաստաթղթեր:

##### 4.4. Գրավոր թեսթի գնահատման արդյունքում ընտրված թեկնածուները դիմում են ըստ նախընտրած անվանակարգերի համագործակից կազմակերպություններից առաջարկված աշխատանքներում ընգրկվելու համար:

##### 4.5. Ըստ կազմակերպությունների մասնակիցների ընտրությունը իրականացնում է մրցութային հանձնաժողովը՝ Մրցույթի 1-ին փուլի ավարտին կազմակերպվող հարցազրույցների արդյունքների հիման վրա:

##### 4.6. Մրցույթի երկրորդ փուլում ընտրված մասնակիցները համագործակից կազմակերպություններում խորհրդատուների աջակցությամբ սահմանված ժամկետում ներգրավվում են կազմակերպությունների կողմից պլանավորված և համարժեք աշխատանքներում՝ զարգացնելու իրենց առաջնորդական և կառավարչական կարողություններն ու հմտությունները:

##### 4.7. Մրցույթի երկրորդ փուլի ավարտին համագործակից կազմակերպություններից խորհրդատուները իրականացնում են մասնակցի աշխատանքների, ձեռք բերված արդյունքների և վարքագծի գնահատում :

##### 4.8. Մրցույթի փուլերի ժամկետները յուրաքանչյուր տարի սահմանվում է Կազմակերպչի կողմից՝ Հոգաբարձուների խորհրդի հավանությամբ:

## **5. Մրցութային հանձնաժողովի կազմը**

- 5.1. Մրցութային հանձնաժողովի կազմը ձևավորվում է Կազմակերպչի կողմից և ներառում է անվանակարգերի ոլորտների փորձագետների ու համագործակից կազմակերպությունների ներկայացուցիչների:
- 5.2. Մրցութային հանձնաժողովը հաղթողներին որոշելիս հաշվի է առնում առաջին փուլի թեսթի ու հարցազրույցների, համագործակից կազմակերպություններից խորհրդատուների գնահատականը և մասնակցի աշխատանքի արդյունքները:
- 5.3. Մրցութային հանձնաժողովը յուրաքանչյուր անվանակարգում Մրցույթի երկրորդ փուլի մասնակիցներից գնահատման արդյունքների հիման վրա որոշում է մրցույթի հաղթողներին:
- 5.4. Յուրաքանչյուր անվանակարգում հաղթող մասնակցին շնորհվում է 2.000.000 (երկու միլիոն) դրամ դրամական մրցանակ:
- 5.5. Մրցութային հանձնաժողովի որոշմամբ բացառիկ հմտություններ և կարողություններ ցուցաբերած մասնակցին կարող է շնորհվել Մրցույթի հոգաբարձուների խորհրդի նախագահի հատուկ մրցանակ՝
- Կրթաթոշակ Հայաստանի կամ Ռուսաստանի լավագույն բուհերի կառավարման բակալավրիատում կամ մագիստրատուրայում սովորելու համար
  - Աջակցություն գործող, նոր ստեղծվող բիզնեսի կամ աշխատանքային այլ գործունեության զարգացմանը:
- 5.6. Հանձնաժողովի որոշմամբ կարող են սահմանվել նաև այլ մրցանակներ:

## **6. Մրցույթի հաղթողների պարգևատրումը**

- 6.1. Մրցույթի հաղթողներին և մասնակիցներին հանձնվում են հավաստագրեր, որտեղ նշված է մրցանակային տեղը:
- 6.2. Մրցույթի հաղթողներին պարգևատրելու արարողությունը կանցկացվի Երևանում:
- 6.3. Մրցույթի հաղթողների մրցանակները ֆինանսավորվում են Կազմակերպչի կողմից, ինչպես նաև համագործակիցների կողմից կատարված նվիրատվություններից: